



«Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ
ԱՇԽԱՏԱՆՔ

Հետազոտության թեման՝ Ուսուցչի
համագործակցությունը գործընկերների հետ՝ փորձի
փոխանակման և մասնագիտական գործունեության
արդյունավետության բարձրացման նպատակով

Առարկան՝ Անգլերեն

Հետազոտող ուսուցիչ՝ Մերի Մնացականյան

Ուսումնական հաստատություն՝ Երևանի համար 152
հիմն. դպրոց

Երևան 2023

Բովանդակություն

Ներածություն.....	3
1. Ուսուցչի համագործակցությունը գործընկերների հետ փորձի փոխանակման նպատակով.....	4
2. Մենթորական աջակցությունը որպես համագործակցության արդյունավետ ձև.....	8
3. Դասղեկի համագործակցությունը դպրոցի հոգեբանի հետ.....	9
Եզրակացություն.....	14
Օգտագործված գրականության ցանկ.....	15

Ներածություն

Համագործակցության մանկավարժությունը 20-րդ դարի 2-րդ կեսի մանկավարժության ուղղություն է, որը կրթության և վերապատրաստման մեթոդների և տեխնիկայի համակարգ է, որը հիմնված է հումանիզմի սկզբունքների և անհատի զարգացման ստեղծագործական մոտեցման վրա:

Համագործակցությունը մարդկային փոխհարաբերությունների բոլոր բնագավառներում հանգեցնում է գործընթացի արդյունավետ իրականացման: Կրթական համակարգում համագործակցությունն առավել քան կարևոր է, քանի որ արդյունքում շահում է սովորողը: Համագործակցությունը շահեկան է համագործակցող բոլոր օղակների համար, ուսուցիչներն իրենց մասնագիտական գիտելիքները համալրում են, աշակերտները ստանում են որակյալ կրթություն:

Ուսուցչի հաղորդակցական, համագործակցային մշակույթի ձևավորման խնդիրը կարևոր է ոչ միայն մշակութային և մանկավարժական ժառանգության յուրացման իմաստով, այլև որպես մանկավարժական գործունեության մեջ անհատի ինքնիրացման պայման և միջոց, ձգտում մանկավարժական որոնման, նորարարության և անձնական կատարելագործման:

Այս թեման **արդիական** են համարել համագործակցության տեսանկյունից, քանի որ <<Անգլերեն>> առարկան թերևս այն առարկաների թվին է դասվում, երբ պետք է համագործակցել առարկայան բոլոր ուսուցիչների հետ:

Աշխատանքի **նպատակն** է ուսումնասիրել՝ ուսուցչի համագործակցությունը գործընկերների հետ, այդ համագործակցության ընթացքում բացահայտել նրանց փորձի փոխանակման և մասնագիտական գործունեության արդյունավետության բարձրացումը:

Հետազոտական աշխատանքում կանրադառնամ հետևյալ **խնդիրներին՝**

1. ուսումնասիրել ուսուցչի համագործակցությունը գործընկերների հետ փորձի փոխանակման նպատակով;
2. ներկայացնել մենթորական աջակցությունը որպես համագործակցության արդյունավետ ձև:

Ուսուցչի համագործակցությունը գործընկերների հետ փորձի փոխանակման նպատակով

Համագործակցությունը ուսուցչի և գործընկերների միջև ինքնանպատակ չէ. այն ուղղված է ինչպես ուսուցիչների ինքնազարգացմանը, այնպես էլ սովորողների մտավոր ու զգայական կարողությունների, ինքնուրույնության, սոցիալականացման և այլ հմտությունների զարգացմանը: Մենք մեր աշխատանքում դիտարկելու ենք միայն ներքին համագործակցության ձևերը:

Ներքին գործընկերներ են դիտարկվում համապատասխան դպրոցի ուսուցիչները, մասնավորապես տարրական դասարանների դասվարները, ուսուցչի օգնականները, կերպարվեստի, տեխնոլոգիայի և պարի ուսուցիչները: Տարրական դասարանների դասվարների հետ համատեղ յուրաքանչյուր կիսամյակում պլանավորել որևէ առարկայի մասով թեմատիկ ուսուցման հիմնական տարրերը, նախապես պլանավորել անհրաժեշտ նյութատեխնիկական միջոցների օգտագործումը, մշակել աշխատանքային ժամանակացույց պլանավորման մատյանում:

ՀՀ կրթության ժամանակակից համակարգում կարևորվում է ուսուցչի օգնականների գործունեության ներդրմանը, որոնք սկսել են ծավալել 2014 թվականից: ՀՀ-ում «ուսուցչի օգնական» հասկացությունը մեկնաբանվում է որպես կրթության կազմակերպման գործընթացում ուսուցչին աջակցող մանկավարժական աշխատող[2]:

Ուսուցչի օգնականն աջակցում է ուսուցչին՝

- դասի պլանավորման, ընդհանուր և անհատական նպատակների սահմանման, դասապրոցեսի ընթացքում կիրառվող ուսումնամեթոդական խթանիչ նյութերի նախապատրաստման, ինչպես նաև ԱՌԻՊ-ի մշակման և իրականացման գործընթացներում:
- Արտադասարանական միջոցառումների կազմակերպման և իրականացման, խմբի գործունեության վերահսկման և վարքի կառավարման աշխատանքներում:

- Ըստ անհրաժեշտության, դասապրոցեսի ընթացքում և դրանից հետո լրացուցիչ աջակցություն է տրամադրում բոլոր, այդ թվում ԿԱՊԿ ունեցող սովորողներին՝ խթանելով կարողությունների և հմտությունների առնվազն պարտադիր նվազագույն պահանջների յուրացման, սովորողների անհատական և սոցիալական ձեռքբերումների զարգացման գործընթացը:
- Ուսուցիչների և մանկավարժահոգեբանական աջակցության խմբի անդամների հետ համատեղ իրականացնում է դասի արդյունավետության գնահատում, ուսումնառության գործընթացում արձանագրված, ուսումնական նյութի յուրացմանը խոչընդոտող բովանդակային և հոգեբանամանկավարժական խնդիրների բացահայտում:
- Համագործակցում է սովորողների ծնողների և խնամակալների հետ:

Հանրակրթական ուսումնական հաստատություններում սովորողների որակյալ ուսուցման և աջակցության տրամադրման համար պատասխանատու են դասավանդող ուսուցիչները, ուսուցչի օգնականները, մանկավարժահոգեբանական աջակցության թիմը և ծնողները: Ուսուցչի օգնականները, լինելով մանկավարժահոգեբանական աջակցության թիմի լիարժեք անդամներ, պետք է մասնակցեն բոլոր հանդիպումներին և քննարկումներին, հետևողական լինեն յուրաքանչյուր սովորողի մոտ որոշակի հմտությունների և կարողությունների ձևավորմանը:

Փորձի փոխանակման տեսանկյունից առավել կարևորվում է փոխադարձ դասալսումների իրականացումը ներքին գործընկերների հետ, որը կարելի է իրականացնել ձևավորող և թիրախային մոթողներով: Անհրաժեշտ է դասալսումներն իրականացնել նախապես կազմված ժամանակացույցին համապատասխան, հետևյալ հաջորդականությամբ՝

- Քննարկում՝ թիրախային խմբի/դասարանի որոշում,
- Բուն դասալսում,
- Դասալսման թերթիկի լրացում,

- Ինքնակատարողականի լրացում:

Կարևորվում է ինքնակատարողականի լրացումը ինչպես դասավանդող ուսուցչի, այնպես էլ դասալսող ուսուցչի տեսանկյունից: Անհրաժեշտ է հատուկ ուշադրություն դաձնել դասավանդման մեթոդներին, դասարանի կառավարման խնդիրներին, նաև հատուկ կարիքներ ունեցող սովորողների ներգրավմանը դասապրոցեսին: Ինքնակատարողականը քննարկել համատեղ և վեր հանել խնդիրները:

Աշխատանքում հատուկ ուշադրություն է դարձվել ուսուցչի օգնականի հետ համատեղ դասավանդմանը: Համագործակցությունը ուսուցչի հետ խթանում է ուսուցչի օգնականի մասնագիտական աճը և հաստատում այն տեսակետը, որ ուսուցչի օգնականը կարող է ավելի շատ աջակցել փորձառու ուսուցչին համատեղ դասավանդման ընթացքում, քան դասապրոցեսի ընթացքում և դրանից դուրս ուսումնառության դժվարություններ ունեցող սովորողների հետ չպլանավորված գործողություններ կատարելով: Այն ուսուցչի օգնականներին տրամադրում է ուսուցանելու իրական փորձառություն (համատեղ դասի պլանավորում, ուսուցում, արդյունքների վերլուծություն և գնահատում):

Համատեղ դասավանդումն արդյունավետ ուսումնառությանը նպաստող ուսուցման նոր մոդել է, որը հնարավորություն է տալիս դասապրոցեսի ամբողջ ժամանակն արդյունավետ օգտագործել և ունենալ բազմազան մեթոդների կիրառման հնարավորություն, ինչպես նաև թույլ է տալիս ուսուցիչներին ապահովել անհատական մոտեցում, նյութի մատչելիություն, իսկ սովորողներին՝ լինել ներգրավված դասապրոցեսում [4]:

Համատեղ դասավանդման առավելությունները սովորողների համար՝

- սովորող-ուսուցիչ քանակական հարաբերակցության նվազում,
- ուսուցման ոճերի և կիրառվող մեթոդների բազմազանություն,
- մասնակցության և ներգրավվածության ցուցանիշների բարձրացում,
- առաջադիմության ապահովում,
- անհատական կարիքների և անհրաժեշտ հարմարեցված միջավայրի ապահովում:

Համատեղ դասավանդումն ուսուցման այն ռազմավարություններից է, որը հիմնված է մասնագետների միջև համագործակցության վրա [3]:

Համատեղ դասավանդման առավելություններն ուսուցիչների և համագործակցող մասնագետների համար՝

- համագործակցության հմտությունների ընդլայնում,
- դիտարկելու և խնդրի լուծումը գտնելու այլընտրանքներ,
- դասավանդման այնպիսի մոտեցումների կիրառում որոնք միայնակ հնարավոր չէ իրականացնել,
- դասաժամի օպտիմալ օգտագործում,
- սովորողների կրթական կարիքների բավարարում,
- աջակցություն դասի պլանավորման և իրականացման բոլոր փուլերում,
- անհրաժեշտ տեխնիկական միջոցների, պարագաների և նյութերի համատեղ նախապատրաստում,
- միջավայրային խոչընոտների թիմային հաղթահարում,
- դասարանի առաջադիմության ապահովում,
- դասարանի կառավարման մոտեցումների կատարելագործում,
- ուսումնական պլանի առավելագույնս իրականացում,
- մետաճանաչողություն՝ ուժեղ և թույլ կողմերի վերհանում:

Համատեղ դասավանդման հիմնական կիրառվող մոդելները հինգն են՝

1. Աջակցող դասավանդում,
2. Ուսուցման կայանների տեղափոխման մոդելով դասավանդում,
3. Զուգահեռ դասավանդում,
4. Այլընտրանքային դասավանդում,
5. Թիմային դասավանդում [5]:

Տարրական դասարաններում առավել կիրառելի է աջակցող դասավանդման մոդելը, երբ ուսուցիչներից մեկը դասավանդում է՝ ստանձնելով դասարանի կառավարման դերը և տալով ընդհանուր առաջադրանքներ, իսկ երկրորդ ուսուցիչն (ուսուցչի օգնականը) օգնում է մյուսին, որպեսզի կարողանան հասնել համատեղ պլանավորած դասի նպատակին: Նախապես մշակված քայլերի միջոցով և

անհատական ուղղորդումներով ուսուցչի օգնականը մոտենում է բոլոր այն սովորողներին, ովքեր ուսուցանվող նյութն ընկալելու, դասարանի կարգուկանոնին հետևելու և ինքնուրույն աշխատելու հետ կապված լրացուցիչ աջակցության կարիք ունեն` ապահովելով դասապրոցեսին առավելագույնս ներգրավվելու և հնարավորինս յուրացնելու նախատեսված նյութը: Այս մոդելը հնարավորություն է տալիս անհատական աջակցություն ցուցաբերել նաև ԿԱՊԿ ունեցող սովորողներին [6]: Փորձի փոխանակման տեսանկյունից կարևորվում է նաև դասղեկական մեթոդավորումը (դմմ), որը ներդրողական համակարգի դաստիարակչական աշխատանքների կառավարման կառույց է, կոորդինացնում է որոշակի տարիքային ընդգրկում ունեցող:

Մենթորական աջակցությունը որպես համագործակցության արդյունավետ ձև

ՀՀ կրթական համակարգում 2019 թվականին <<Դասավանդիր Հայաստան>> հիմնադրամի, ՅՈՒՆԵՍԿՈ և ԿԳՄՍ նախարարության կողմից ներդրվեց «Հանրակրթական դպրոցների ուսուցիչների և ուսուցչի օգնականների ներառական դասավանդման հմտությունների զարգացման ապահովում» ծրագիրը, որի նպատակն է վերապատրաստումների և շարունակական մենթորական աջակցության միջոցով նպաստել ուսուցիչների մասնագիտական կարողությունների շարունակական զարգացմանը` կենտրոնում ունենալով կրթական բազմազան առանձնահատկություններ ունեցող (ազգային, էթնիկ, լեզվական, կրոնական, սոցիալ-տնտեսական, ֆիզիկական, ինտելեկտուալ և այլն) երեխաների կրթության կազմակերպմանն ուղղված կարողությունների զարգացումը: Ծրագիրն իրականացվում է մենթորների կողմից, որոնք, մեկ կիսամյակ գործուղվելով դպրոցներ, վերապատրաստում և մենթորական աջակցություն են տրամադրում այդ դպրոցի մանկավարժներին և ուսուցչի օգնականներին` մենթիներին:

Ծրագիրն ուղղված է երկու խումբ խնդիրների լուծմանը`

1. Թեմատիկ վերապատրաստում` ուսուցիչների ակտիվ ներգրավվածությամբ, որի ընթացքում ուսուցիչները զինվում են մասնագիտական գիտելիքներով և կարողություններով:

2. Ուսուցիչների գործնական, մեթոդական, ռազմավարական կարողությունների դիտարկման և զարգացման համագործակցային փուլ, որի ընթացքն ընդգրկում է դասալսումներ, դասի համատեղ պլանավորումներ, հետադարձ կապ կատարված աշխատանքի վերաբերյալ, իրավիճակային քննարկումներ և բազմաբնույթ այլ աշխատանքներ: Ծրագրի շրջանակներում շահակիցների (մենթորների և մենթիների) խմբի առջև կանոնակարգված չափելի խնդիրներ են դրված, ուստի ակնկալվող անհրաժեշտ կարողունակությունները հնարավոր է վերահսկել և գնահատել:

Այս ծրագիրը համագործակցության արդյունավետ ձևերից մեկն է, քանի որ մենթորի հետ կարողացել ենք պլանավորել ներառող և մասնակցային դասեր:

Համագործակցության լավագույն ձև էր մեթորի հետ աշխատանքը, վերապատրաստումները, դասալսումները, դասի պլանի քննարկումները, նոր դասի պլանավորումները, համատեղ դասերի իրականացումը: Մենթորի ուղղորդումները բավական արժեքավոր և կարևոր են ոչ միայն սկսնակ, այլև տարիների փորձառություն ունեցող ուսուցիչների համար, քանի որ կրթական գործընթացն ակտիվ օրգանիզմ է այն անընդհատ զարգանում և առաջ շարժվում: Տարիների փորձառություն ունեցող ուսուցիչներն առավել քան երբևէ ուղղորդման ու համագործակցելու կարիք ունեն՝ կապված ներառական կրթության, նորագույ մեթոդների և տեխնոլոգիաների ներմուծման հետ:

Դասղեկի համագործակցությունը դպրոցի հոգեբանի հետ

Այսօր կրթության մեջ դաստիարակությունը և ուսուցումը հիմնված են երեխայի տարիքային զարգացման հոգեբանական առանձնահատկությունների վրա: Եվ հենց հոգեբանական և մանկավարժական ծառայություններն են, որոնք կան գրեթե բոլոր դպրոցներում, որ օգնության են հասնում դասղեկին իրենց աշխատանքում: Փոխազդեցությունը, փոխըմբռնումը և համագործակցությունը կարելի է անվանել «մասնագետների երկխոսություն»՝ սա հիմք կհանդիսանա դասարանի ուսուցչի և դպրոցի հոգեբանական և մանկավարժական ծառայության փոխգործակցության համար: Առանց այս հիմքի, փոխգործակցության ընթացքում անհնար է հասնել

լիարժեք հաջողության և արդյունքների հասնել աշակերտների ուսուցման ընթացքում առաջացող իրավիճակների և խնդիրների լուծման գործում:

Երեխաներն իրենց ժամանակի մեծ մասն անցկացնում են դպրոցում, և հենց դասղեկն է, ով հնարավորություն ունի «մոտ լինել» երեխային և ժամանակին աջակցություն և հոգեբանական օգնություն ցուցաբերել: Դասղեկը բոլորից ավելի ու ավելի հաճախ է տեսնում երեխային, ավելի լավ է ճանաչում նրան և կարող է օգնել, եթե ոչ կյանքի ընտրությամբ, ապա զարգացման պայմանների օպտիմալացման հարցում: Դասղեկի տրամադրության տակ կան բազմաթիվ գործիքներ հաջող աշխատանքի համար: Բայց դրանց արդյունավետ կիրառումը դրսևորվում է այլ մասնագետների հետ փոխգործակցության մեջ: Դասղեկն իր աշխատանքում դպրոցի հոգեբանի հետ միասին ուսումնասիրում է երեխաների հոգեֆիզիոլոգիական զարգացման առանձնահատկությունները, կրթությունը, բացասական երևույթների կանխարգելումը, նպաստում է դասարանի թիմում բարենպաստ մթնոլորտի ստեղծմանը, նաև ապահովում է խորհրդատվական աջակցություն հաղորդակցության, վարքի, հուզական խանգարումների վերացման դասաժամերի, համատեղ գործունեության, դասերի, խաղի մեթոդների միջոցով «աշակերտի հաջողություն = աշակերտ + ծնող + ուսուցիչ» կարգախոսով և վստահաբար կարող ենք ավելացնել + դպրոցի հոգեբանական ծառայությունը:

Որպեսզի սովորողի զարգացումը ուսումնառության գործընթացում համակողմանի տեղի ունենա, հոգեբանական և մանկավարժական ծառայությանը և դասղեկին անհրաժեշտ է հարաբերությունների հստակ կառուցվածք: Եթե համատեղ աշխատանքն ու շահերը համընկնեն, ապա նման համագործակցությունը կրերի ցանկալի արդյունքի ու կլինի արդյունավետ: Ինչպես նաև հակառակը: Ուստի փոխգործակցության սխեմա է պետք, որում դրա արդյունքի համար պատասխանատվության բաշխում կլինի: Նման սերտ և արդյունավետ փոխգործակցությունը և դասղեկի և հոգեբանամանկավարժական ծառայության ինտեգրված համակողմանի մոտեցումը կարող են մեզ դրական արդյունք տալ աշակերտի բազմաթիվ խնդիրների լուծման գործում: Դպրոցում դասղեկը ամենից հաճախ համագործակցում է դպրոցի հոգեբանամանկավարժական ծառայության հետ, հենց նա է կապող օղակը հոգեբանամանկավարժական ծառայության և աշակերտների

միջև: Հոգեբանական ծառայությունը կարող է մեծ օգնություն ցույց տալ դասղեկին դասարանի և ծնողների հետ աշխատելու հարցում:

Դասղեկը և հոգեբանը առաջին հերթին տեղեկատվություն են փոխանակում երեխայի կյանքի վերաբերյալ: Սա հսկայական պլյուս և օգնություն է դպրոցի հոգեբանամանկավարժական ծառայության համար: Ի վերջո, դասարանի ուսուցիչը իր թիմին ճանաչում է ներսից, գիտի երեխաների առանձնահատկությունները: Իհարկե, զաղտնիությունը մնում է հիմնական կանոնը: Ստացված տվյալներով՝ պետք է զգույշ լինել, որպեսզի չվնասեք երեխաներին՝ աշխատելով «մի վնասիր» սկզբունքով: Յուրաքանչյուր դասարանում, որպես կանոն, կա առնվազն մեկ խնդիր, որի լուծումը միանշանակ կգտնվի դասիսեկի և հոգեբանի համագործակցության միջոցով:

Նման տանդեմը, ինչպիսին է դասղեկի և հոգեբանամանկավարժական ծառայության փոխազդեցությունը, հասնում է իր նպատակին և տալիս է գերազանց արդյունք: Ժամանակին հայտնաբերված խնդիրը, դրա պատճառները, հոգեբանական օգնության և ուղղիչ աշխատանքների իրականացումը, խնդրահարույց իրավիճակների կանխարգելումը նպաստում են դասարանի թիմի հոգեբանական միկրոկլիմայի բարելավմանը: Կան բազմաթիվ խնդիրներ, որոնք դասղեկը կարող է լուծել հոգեբանի հետ միասին՝

- դաստիարակչական աշխատանքի իրականացում, որն ուղղված է աշակերտների ընդհանուր մշակույթի ձևավորմանը, հասարակության կյանքին հարմարվելու և սոցիալականացմանը, երեխաների հոգեբանական և մանկավարժական բնութագրերի ուսումնասիրությանը;
- մի կողմից առաջացող դժվարությունների և խնդիրների բացահայտում և աջակցություն, իսկ մյուս կողմից՝ նրանց շահերն ու կարողությունները տեսնելը և պաշտպանելը;
- նպաստել երեխաների իրավունքների և ազատությունների իրականացմանը;
- ուսումնական հաստատությունում անվտանգ միջավայրի ստեղծում;
- առողջ ապրելակերպի խթանում, կյանքի և առողջության պահպանության ապահովում;

- երեխաների խնդիրների համատեղ լուծում, երեխայի ընտանիքի հետ գործընկերային հարաբերությունների պահպանում;
- կոնֆլիկտային իրավիճակների ժամանակին լուծում;
- և այլն:

Ես նույնպես լինելով դասղեկ, իմ դասղեկական դասարանում ունեցել եմ դասարանի համախմբվածության, հանդուրժողականության և ընկերասիրության խնդիր, որի լուծումը գտել եմ հոգեբանի հետ համագործակցության արդյունքում:

Դպրոցի հոգեբանի հետ համատեղ իրականացրել եմ սեմինար – քննարկում <<Հանդուրժողականությունը հավասար է ընկերասիրության>> խորագրով, որը ունեցել է դրական արդյունք:





Եզրակացություն

Ուսումնասիրելով և վերլուծելով թեմային առնչվող մեթոդական գրականություն, եկել ենք այն եզրահանգման, որ ժամանակակից կրթական համակարգը չի կարող պարփակվել միայն տվյալ առարակյի դասավանդման շրջանականերում, այն լճացման կտանի՝ խոչընդոտելով մի ամբողջ սերնդի կրթության և զարգացման գործընթացը: Ստեղծելով համագործակցության նոր արդյունավետ մեխանիզմներ՝ ուսուցիչները համատեղ ջանքերով հնարավորություն ունեն ապահովելու մատչելի, հասանելի և արդյունավետ կրթական գործընթաց յուրաքանչյուր դպրոցում՝ քաղաքային, թե մարզային:

Ամփոփելով հետազոտական աշխատանքը՝ հանգել ենք հետևյալ եզրակացությանը: Ուսուցչի համագործակցությունը գործընկերների միջև նպատակ ունի՝

1. Փորձի փոխանակման միջոցով բարձրացնել ուսուցչի աշխատանքի արդյունավետությունը;
2. Հնարավորություն ընձեռնել ուսուցչի ինքազարգացման համար;
3. Դասավանդման և ուսումնառության նոր մեթոդներ կիրառել ուսումնական գործընթացում;
4. Ուսումնական գործընթացում հնարավորինս շատ համագործակցել ուսուցչի օգնականների հետ;
5. Ուսումնական գործընթացում ապահովել համատեղ և համագործակցային մեթոդների հնարավորինս լայն կիրառում:

Գրականության ցանկ

1. Ա Ափոյան Համագործակցային ուսուցումը տարրական դասարաններում: 2014
2. «Հանրակրթության մասին» ՀՀ օրենքում լրացումներ և փոփոխություններ կատարելու մասին ՀՀ օրենք (ՀՕ-200-Ն)
3. Մանուկ Խաչատրյան, Միեր Դավթյան, Դասավանդման ժամանակակից մոտեցումներ ու մեթոդներ, Ուսումնամեթոդական ձեռնարկ, Երևան, Զանգակ հրատարակչություն, 2019)
4. Մեթոդական ուղեցույց Ուսուցչի օգնականների համար, Հանրապետական մանկավարժահոգեբանական կենտրոն Երևան – 2022 3 Ներառական կրթության ռազմավարություն, դասագիրք,երկրորդ հրատարակություն, Երևան, Ասողիկ, 2020
5. Տիքա, Ռ., Էբերի, Բ., Ջոնսթոն, Ք., Պոդոսյան, Ա. և Հանթ, Փ. (Խմբ.) (2018) Ներառական կրթության ռազմավարություններ: Դասագիրք: Մինեապոլիս, Մինեսոթա, ԱՄՆ. Մինեսոթայի համալսարան: ՅՈՒՆԻՍԵՖ Հայաստան և Խ.Աբովյանի անվան հայկական պետական մանկավարժական համալսարան, Երևան, Հայաստան, 249 էջ
6. Shumway, L.K. (2011) Co-teaching handbook, Ed.D. State Superintendent of Public Instruction